

Kommunet inissiaataannut attartortittakkanut tapiissutit pillugit Namminersornerullutik Oqartussat Nalunaarutaat

Inissialiornermut tapersiissuteqartarneq pillugu Inatsisartut peqqussutaani nr. 1-imi 9. april 1992-imeersumi § 8 naapertorlugu aalajangersarneqarpoq:

§ 1. Sanaartugassanut ukununga landskarsi tapiissuteqarsinnaavoq:

- 1) Kommuunet attartortittagassanik nutaanik inissialiornerinut,
- 2) Kommuunet attartortittakkatut inissiaatigisaasa allineqarnissaannut pitsanngorsaavineqarnissaannullu, tassanili pingaarnerutinneqarlutik Naalagaaffimmit Namminersornerullutillu Oqartussanit tapiiffineqarlutik sananeqarsimasut.

Imm. 2. Illoqarfinni Nanortalimmit Ilulissanut, Kangaatsiarli tassani ilaatinneqarani, nutaanik inissialiornissamut minnerpaamik piumasaqaataavoq inissiat akulikitsut/pukkitsut sananeqartarnissaat, tassa hektarimut minnerpaamik inissiat 35-it sananeqartartussanngorlugit. Taamaattorli inissialiorfusimasut akorngini illunut ataasiakkaanut marloqiusanulluunniit naammaaqqutaallutik sananeqartussanut landskarsi tapiissuteqarsinnaavoq, tassa sanaartorfissani eqimasunik inissialiorfigineqar-nissaminnut naleqqutinngitsuni.

§ 2. Kommuunit illuliassaminnut, alliliinissaminnut pitsanngorsaaminnnulluunniit tapiif f igineqarsinnaanissaannut piumasaqaataavoq inissialiaq tapersiiffineqartoq aaqqissuunneqarsimanermigut teknikkikkullu naammaginnartumik ilusiliivineqarsimassasoq.

Imm. 2. Inissiat inunikkoortuussapput pigissaarpasissuussanatillu aammalu sumiiffigisaminni teknikkikkut atortulersuutitik nalinginnaasumik atorneqartunik atortulersugaassallutik. Inissiat imatut sananeqarsimassapput inissarsiortut assigiinngitsut pisariaqartitaannut naleqquttuliaassallutik, soorlu kisimiittunut, ilaqutariinnut utoqqarnullu. Inissiat ilaat innarluutilinnut aairana qamutaasartunut naleqquttunngorlugit aaqqissorneqarsinnaasariaqarput.

Imm. 3. Inissialiassap ilusilersorneqarnerani pisortanit tapersiif f igineqarlutik inissialiaasartut pitsaassusii maannamut atuuttut malinneqassapput. Inissiat attartortinneqarneqassapput Namminersornerullutik Oqartussat attartortitsinerminni maleruagassaat malillugit.

§ 3. Ukiup tullissaanut aningaasanut inatsisissamut ilanngunneqartussatut kissaatigalugit inissialiornissamut tapiiffineqarnissamut qinnuteqaatit kingusinnerpaamik 1. marts Kommunalbestyrelsimit tunniunneqarsimassapput. Taassuma saniatigut ukiuni tulliuuttuni aningaasanut inatsisissamut missingersuusiornissaq eqqarsaatigalugu Kommunep inissialiornissamut pilersaarutai nalunaarutigineqassapput.

Imm. 2. Nutaamik inissialiornissamut qinnuteqaammut ilanngunneqassapput:

- 1) pilersaarusoqqaarnissamut najoqqutassaq inissialiassat amerlassusissaannik, qanoq ittuunnissaannik, angissusissaannik, inissisimaffissaannik, sanaartorfissamik pilersaarutit qanoq innerinik sananermilu aqutsisussamik nalunaarsuutitalik, kiisalu
- 2) akiusussanut missingersuusial C-overslag ukiuni sanaartorfiusussani aningaasartuutissanik agguataaraluni nalunaarsuiffiusimasoq.

Imm. 3. Inissiaareersut allineqarnissaannut pitsangorsaavigineqarnissaannullu qinnuteqaat makkuninnga ilaqartinneqassaaq:

- 1) B nr., inissiap qanoq ittuunera, inissisimaffia, suliassap suunera, kiisalu
- 2) akiusussanut missingersuusial C-overslag ukiuni sanaartorfiusussani aningaasartuutissanik agguataaraluni nalunaarsuiffiusimasoq.

Imm. 4. Kommunalbestyrelsep qinnuteqaataa tunngavigalugu isummerfigineqartassaaq Inatsisartut ukiumut tulliuttumut Aningaasanut Inatsisissaannut aningaasat qinnutigineqartut ilanngunneqassanersut. Aningaasanut Inatsisissamut Naalakkersuisut siunnersuutaasa saqquiraniunneqarnerinut atatillugu Kommunalbestyrelsi nalunaarfigineqartassaaq qinnutigineqartut ilanngunneqarsimanersut.

§ 4. Ukiumi sanaartugassat sanaartorneqalerfissaanni kingusinnerpaamik 1. marts Kommunalbestyrelsi Namminersornerullutik Oqartussanut sanaartugassanut akuersissutaagallartumik piniartassaaq.

Imm. 2. Qinnuteqaammut ilanngunneqassapput sanaartugassanut tamakkiisumik tunngavissaq, suliassamut immikkut ittumik nalunaarsuusial aamma piumasagaatit immikkut ittut kiisalu sanaartugassamut missingersersuut B-overslag.

Imm. 3. Sanaartugassanut missingersersuut B-overslagip imarissavai:

- 1) Suliassanut tamanut neqeroorutissatut naatsorsuutigineqartut, tassunga ilaassalluni illuliorfissaqqissunngorsaanissamut aningaasartuutissat,
- 2) aningaasartuutaajunnartussanut piareersimassutissat 10%,
- 3) siunnersortinut aningaasarsiarititassat,
- 4) illuliorfissaqqissunngorsaanissamut aningaasaleeqataassutaasinnaasut, matuma ataani attaviliinissanut aningaasartuutissat aamma pineqarlutik, kiisalu
- 5) aqutsinermut aningaasartuutissat.

Imm. 4. Sanaartugassap sananeqarnissaa ukiunut aningaasaliif f issanut arlalinmut piareersarneqarsimappat sanaartugassamut missingersersuut B-overslag ukiunut agguataarneqarsimassaaq. Taassuma saniatigut B-overslagi tunngavigalugu inissianut assigiinngitsunut akiliutissap naatsorsorneqarsimanager ilanngunneqassaaq.

§ 5. Sanaartugassap aallartivinneqarnissaa nallertinnagu Kommunalbestyrelsep Namminersornerullutik Oqartussanut akuerineqavittussanngorlugu sanaartugassamut tamakkiisumik akigitinniagaaq, tassa A-overslag nassiutissavaa.

Imm. 2. A-overslagip imarissavai:

- 1) suliassanut tamanut neqeroorutitut takkussimasut inaarlugit isumaqatigiissutigineqarsimasut, matuma ataani illuliorfissaqqissunngorsaanissamut aningaasartuutissat aamma pineqarlutik,
- 2) aningaasartuutaajunnartussanut piareersimassutissat 5%,
- 3) siunnersortinut aningaasarsiarititassat,
- 4) illuliorfissaqqissunngorsaanissamut aningaasaleeqataassutissaajunnartut, attaviliinissamut akiliissutissat matumani aamma pineqarlutik, kiisalu

5) aqutsinissamut aningaasartuutit.

Imm. 3. Sanaartugassap sananeqarnissaa ukiunut aningaasaliiffissanut arlalinnut piareersarneqarsimappat sanaartugassanut tamakkiisumik akigitinniagaq A-overslag ukiunut agguataarneqarsimassaaq. Taassuma saniatigut ilanngunneqarsimassapput suliariumannittussarsiuussinermi imaqarniliaq, sananermi aqutsisussaq sanatitsisutullu nakkutilliisussaq pillugit nalunaarut aammalu A-overslag tunngavigalugu inissianut assigiinngitsunut ineqarnermut akiliutaalersussatut naatsorsuusiaq.

§ 6. Sanaartugassanut tamakkiisumik akigitinniakkat, tassalu A-overslag akuerineqarpat landskarsip sanaartugassanut tapiissutissai tunniunneqarsinnaalissapput.

Imm. 2. Akuersissulli atorunnaassaaq Namminersornerullutik Oqartussanit A-overslagip akuerineqavinnissaa sioqqullugu isumaqatigiissutissiaviit atsiorneqareersimappata imaluunniit sanaartugassat sananeqalereersimappata.

§ 7. Sulisussarsiuussisarneq pillugu Inatsisartut Inatsisaani il.il. aalajangersakkat malillugit Kommunalbestyrelsep sanaartugassat sulisussarsiuutissavai. Nutaanik sanaartornissami piumasarineqarpoq tamanut airanasumik sulisussarsiuussineqartarnissaa, tassa allatut iliortoqarnissaa Naalakkersuisunit akuersissutigineqarsimanngippat.

Imm. 2. Kommunalbestyrelsep isumagissavaa sanatitsisutut nakkutilliinerup naammattumik paasisimasaqarluartumillu ingerlanneqarnissaa. Sanaartugassap ingerlanissaanik pilersaarutit saneqqunneqarpata, tak. § 5, tamanna ingerlaannaq Namminersornerullutik Oqartussanut nalunaarutigineqassaaq.

Imm. 3. Sanaartukkat sananeqarnerinut ingerlanneqalernerinullu atatillugu Kommunalbestyrelsep sananermi tunngassuteqartunut allanut pitsaassuserititassat qularnaarneqarnissaat piumasaqaatigisassaraa.

Imm. 4. Kommunalbestyrelsep qularnaassavaa ingerlatsinermut ilitersuusiortoqarnissaa aammalu sanaartukkat ingerlanneqarnissaasa aserfallatsaalineqarnissaasalu siumut pilersaarusiortfigineqarsimanissaat.

§ 8. Sanaartornermut aningaasartuutit Kommuunep akilissavai.

Imm. 2. Taamaattoorli aningaasartuutinut tapiiffigineqarsinnaatitaasunut aningaasartuuteqaraangami Kommuuni aningaasartuutiminut tapiiffigineqartarsinnaavoq. Tapiissutininik pissarsinissaq tamatigut nalunaarsuiffissatut ilitersuusiarni sukkulluunniit atuuttumi malitassat malillugit pisassaaq.

§ 9. Sanaaq naammassineqarpat Kommunalbestyrelsep atorineqarsinnaaneranut akuersissutip nuutsinnera Namminersornerullutik Oqartussanut nassiutissavaa.

Imm. 2. Sananermut naatsorsuutaagallartut suliarineqassapput atorineqalerneratalu kingorna qaammatit pingasut qaangiutinnagit naatsorsuutit taakku Namminersornerullutik Oqartussanut nassiunneqassapput.

§ 10. Naatsorsuutit kukkunersiuusumit atsiorneqarsimasut Namminersornerullutik Oqartussanut akuerisassanngorlugit nassiunneqassapput kingusinnerpaamik sananermut naatsorsuutaagallartut nassiunneqarf iannit ukioq ataaseq kingoqqullugu, tak. § 9, imm. 2.

Imm. 2. Sanaartukkanut ataasiakkaanut tapiissutissat angissusissaviat aalajangerneqartassaaq sanaartornermut naatsorsuutit kukkunersiuusumit atsiorneqarsimasut tunngavigalugit.

§ 11. Nalunaarut atulissaaq ulloq 1. april 1994.

Namminersornerullutik Oqartussat, ulloq 22. marts 1994

Emil Abelsen

/

Peter Beck

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut